

Goibekokale

ELGETA / Barikua / 2002ko urtarrilaren 18a / 83. zenbakia

KOORDINATZAILEA: Oxel Erostarbe • Barrenkalea, 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com

Oso aurreratuta doaz Barrenenguan kokatuko den nekazari turismoko lanak

OXEL EROSTARBE

Hotela eta landa etxeaz gain, nekazari turismoko baserria ere izango du datorren hilabeteetik aurrera Elgetak. Nekazari turismoa Egoetxeaga auzoan kokatuko da, Barrenengua baserrian, hain zuzen. Sei gela bikoitz izango ditu, eta ezinduendako gertatuta dago.

Iaz hasi zituzten nekazari turismoko baserria zabaltzeko behar zituzten lanak egiten. Azkeneko ukituak ematen ari dira eta otsail erdialdean lan guztiak bukatuta egotea espero dute Agustin Beretxinagak eta Maite Sadak.

Argazkian ikus dezakegun moduan, nekazari turismoko baserriaren estruktura guztia egina dago. Gauzak horrela, leihoak, atak eta barruko altzariak jarzea geratzen zaie.

Nekazari turismoko baserriak sei gela izango ditu, guztiak bikoitzak eta komunarekin. Bestalde, ezinduendako arauak betetzen ditu baserriak. Beheko solairuan egongela eta sukaldea izango ditu. Ostatu hartzen dutenek ezin izango dute sukaldea erabili, baina otorduak bertan egiteko aukera



Otsail erdialderako barrualdea eta kanpoaldea guztiz egokituta egotea espero dute Agustin Beretxinagak eta Maite Sadak.

ra emango diete.

Nekazari turismoko baserria zabaltzeko, nekazaritzan edo abeltzaintzan aritu behar izaten dira ugazabak. Barrenenguan base-

rriko oiloak eta behiak dituzte, 100 buru inguru.

Dagoeneko zenbait turistak gorde dute lekua Aste Santurako nekazari turismo berrian. Hara

joaten diren bisitariek pottoken gainean ibiltzeko aukera izango dute seguruenik. Izan ere, aukera hori eskaintzeko asmoa daukate Barrenenguan.

Otsail erdialdean zabaltzeko asmoa daukate Barrenenguako nekazari turismoa

Lo egitera doazen bisitariek otorduak bertan egiteko aukera izango dute

Aste Santuko oporretarako zenbait gela gordetzeko deiak jaso dituzte

HERRITARREN HITZA / Jabier Arantzeta • Irakaslea

Elgetako noble guztixak

Hurrengo domekia egun haundixa da Gipuzkuan; Donostian, Santu guapuan omenez tanborra jotzen ibilliko dira. Santu berorren omenez San Sebastianeko Kofradixakuak euren eguna ospatuko dabe Elgetan.

Ospakizunen artian, elizan kantatzen dan himnua etorri jata gogora, batez be hasieria, oso polita dalako. Baleike batzuk ez ezagutzia, horregaittik ifiñiko dot hemen: *Elgetako noble guztixak zure aurrean bildurik zugana gatoz Sebastian zu beti honratzeagatik*. Hasiera-hasieratik aipatzen da nobliak dirala biltzen diranak.

Emoten dau noble izatia gai inportantia zala sasoi batian, edo hori baiño inportantiaua, danen aurrian noble izate hori garbi lagatzia.

Españiako tradiziñuan noble izateko guraso nobliak bihar dira. Nobletasuna gurasuetatik umiengana berez pasatzen dan dohai bat da. Ez da ezer berezirik egin bihar noble izateko, eta, hori baiño txarragua, edozer eginda



“Danok, edo behintzat askotxo, hor gabiz gure onurak goratzen“

be noble segitzen dau batek holako odola ei daukalako. Hola dagoz dagozen lotsabako, ganorabako, eta abar noblien artian.

Euskal Herriko tradiziñuan, ostera, zatarkerixa galanta da norberen ontasunak aittatzen ibiltzia. Edozein modutan, Elgetan nobliak kantuan ibiltzen dira urtian

behin; kontutan hartu barik, benetan noblia danak ez daukala horretan ibilli biha-

rrik, norbera zelako noblia dan inguruak esango dabalako.

Dana dala, gaur egun dexente zabaldu da ohitura hori; danok, edo behintzat askotxo, hor gabiz gure onurak goratzen, eta hori jende askok egitten dabenez, hain itsusixa be ez da; eta txarragua dana, holakoik egitten ez dabena tontotzat hartzen dogu.

Bada, izan badira, gutxi badira be, holakuak be, eta horren omenez egin nahi neuke gaurkua. Iñori ezer esan barik euren zereginetan eta jardunian noble diran guztixei zorionak eta segi holan, benetako nobliak zeuk zarie eta.

LABUR

Bainuetxeetako programan izena emateko aukera

Imersoko bainuetxe programa gertu dago, erretiratuetzat, alarguentzat, ezintasunen bat dutentzat edo bestelako pentsiodunentzat.

Egonaldiak (15 egun) Euskal Herriko bainuetxeetan izango dira. Abuztu aurretik joan nahi dutenek urtarrilaren 21a baino lehen eman beharko dute izena, eta irailetik abendura bitartean joan nahi dutenek maiatzaren 16a baino lehen. Informazio zabalagoa Udaletxean eska dezakezue.

KIROLAK

Ione Muxika eta Aitor Kortazar ziklo-kroslari onenen artean

O.E.

Denboraldi bikaina egiten ari dira Ione Muxika eta Aitor Kortazar elgetarrak. Asteburu honetan Duranan izan diren Espainiako Ziklo-kros txapelketan hamargarren eta hamabigarren postuak eskuratu zituzten.

Neguko denboraldia amaitzeko hiru proba geratzen dira, eta Ione Muxika eta Aitor Kortazarrekin egon gara beraien balorazioa zein den jakiteko.

Ione pozik dago, denboraldi honetan ekin dio ziklo-krosari eta lortu dituen emaitzak oso onak izan dira, "Iñigo Igartuak animatu ninduen ziklo-krosean parte hartzera. Lehenengo lasterketa Itsasondokoa izan zen, Euskadiko txapelketa. Aurreko egunean bizikleta probatu eta hirugarren geratzea lortu nuen".

Abadiño, Muxika eta Ispasterko probak geratzen dira neguko denboraldia amaitzeko. Ione pozik dago, baina oraindik ikasteko asko daukela aitortu zigun, "Iñigo Igartuarekin aritu izan naiz aste hauetan entrenatzen. Asko daukat ikasteko, ziklo-krosa eta mendi bizikletaren artean alde handia dago eta". Elgetako Txirrindulari Elkartearen atera du aurtengo lizentzia Ionek, eta Alfa Deco eta Biciprecision Igartuak lagundu diote lasterketa haue- tan parte hartzeko orduan.

Martxo aldera mendi bizikleta denboraldia hasiko da. Iaz lan bikaina egin zuen elgetarrak, eta aurtengoan, esperientzia gehiago izanda iazko denboral- diko emaitzak lortzea da bere hel- burua.

AITOR ERE BIKAIN

Aitorrek badaramatza hiru urte txirrindularitzan. Aurtengoan denboraldi biribila egiten ari da, "zapatuan ez nuen Espainiako txapelketan zorterik izan, zorte pixka bat izan banu, aurrerago sailkatuko nintzatekeen sailka- pen orokorrean. Hala ere, egiten ari naizen denboraldiarekin pozik



IGOR ARIZMENDIARRIETA

*"Beste jende batekin
entrenatuz, ikasteko
asko daukadala
konturatu naiz"*

IONE MUXIKA

*"Zorte pixka bat
izan banu, postu
hobea egingo nukeen
zapatuan"*

AITOR KORTAZAR

nago. Gordexolako ziklo-krosa irabazi nuen denboraldi hasieran, eta Euskadiko ziklo-krosean bigarren postuan geratu nintzen".

Espainiako txapelketan hamabigarren postua egin eta gero, zapatuan Abadiñoako ziklo-krosean parte hartuko du Aitorrek. Negu gogorra eta gero, otsai- lean atsedinari tartetxo bat egin-

go dio, "hiru lasterketa geratzen dira neguko denboraldia amaitzeko, gero deskantsatu egingo dut, udaberrian bideko lasterke- tak etorriko dira eta".

Neguan egin duten denboral- diarekin gustura dira Ione eta Aitor. Batak mendi bizikletan eta besteak bidean, denboraldi luzea daukate oraindik aurretik.



Jaiak gertatzen hasteko prest

Urtarrilaren 23an, gaueko 21:00etan, aurtengo Ferixa Nagusiak antolatzeko lehenengo bilera egingo du Jai Batzordeak udaletxean. Bilerara herriko talde guztiak eta antolaketa- n parte hartu nahi dutenak gonbidatu nahi dituzte. Bileran, ekai- naren 27an hasiko diren jaietan izango ditugun ekintza eta ekitaldiak zeintzuk izango diren erabaki beharko dute. /O.E.



Lapurrak Sesto baserrian

Aurreko barikuan eguerdiko 11:30 inguruan lapurrak sartu ziren Uriarte auzoko Sesto baserrian. Lapurrak indarrez sartu omen ziren, eta dena astinduta utzi zuten arren, ez zuten balioko ezer eramateko astirik izan. Jabeak ohi baino bizko- rrago etorri izanak eragotzi zuen lapurrei euren helburua bete- tzea, baliozko gauzetatik oso gertu zebiltzan eta./O.E.

Aintzane denda



*Zugandik gertu,
behar duzun beste*

Domingo Iturbe 4, ELGETA
Tel: 943 768297



Elgeta-Piel

Neguko denboraldi berria

Astelehenetik barikura:
17:00-20:00

Zapatuak:
10:00-13:00 eta 17:00-20:00
Domekak: 11:00-13:30

Domingo Iturbe 8, ELGETA
943 76 81 12

**GOIO
SARASUA**

Igeltserotza lanak

Tei atuak
Sukaldeak
Etxaurreak
Komunak

Otzango Behekoa Baserria
OIKINA
Tel: 943 86 01 56

EROSLE

M. Asun Agirre

Salbador 26
ELGETA
Tel: 768190

**JAR EZAZU
HEMEN
ZURE
PUBLIZITATEA**

Goibekokale

ERRETRATUZAHARRA

Elgetako mus txapelketa egitten zanakua

Azpaldixan nahiko lagata dagon arren, lehenau urtero antolatzen zeben herriko tabernari eta elkartiek mus txapelketa.

Hau erretratuau 1975 urteko txapelketakua da. Lehenau, Ozkarbi Elkartia zagon lekuan etarata dago erretratua, gaur egunian, Haizea tabernia dagon lekuan.

Elgetako mus txapelketan herritar morduak hartzen zeben parte, eta Gabon aldera izaten ziran finalak. Erretratuan ikusten dittugunak txapelketan lau lehenenguen artian geratutako bikotiak dira: Jose Luis Gorosabel eta Gotzon Elkoro alde batetik, eta Jabier Arantzeta eta Joxe Iñaxio Erostarbe bestetik izan ziran hemen urteko finala jokatu zebenak. Zeintzuk irabazi zeben errez asmau geinke, txapela buruan jantzita pozik ikusi geinkez erretratuan eta.

Erretratuan beste bi bikote be badare, Fermin Iribar eta Gabino Abasolo batetik, eta Jose Arrizabalaga eta Bittor Agirreazaldegia bestetik.

Txapelketan irabazitako sarixak



jasotakuan, afarixa egitteko ohitturia zeuken bertan parte hartzen zeben guztixek. Kontau dozkuenez, ordu txikixak arte ez ei zan bukatzen herriko muslarixen jaixa.

Urtia: 1975.

ADI IRAKURLE!

Zure erretratu zaharra argitaratzea nahi izanez gero, zatoz BERRIGARAra (Irizar jauregia, Barrenkalea 33) edo Elgetako Kultura Etxera. Zain gaituzu!

NOLAALDATUDIRENGAUZAK

Kanpazarreko bide estuan zihar

Bihorak bidian egoten dirala eta, istripun bat gertatzeko arriskua dago aspaldixan Elgeta eta Kanpazar arteko bidian. Aurrekuan irakurle baten mezua jaso giñuan, Arrotako baserri parian, gutxienez hamar bat bihor egongo zirala esanez. Behelaiño artian edo, desagertu ziran gu ailleau orduko. Arrota ingurua zelan aldatu dan ikusiko dogu oinguan.



± 1979

Arrasateruntz juateko bidia nahiko estua zan. Piñuak nahiko zabaldua egon arren, beste era bateko arbolak be ikusi geinkez.



2002

Urtiekin haundi egin dira piñuak, beste arbolak ez dira ageri. Egunak juan egunak etorri Kanpazarko bidian gero eta auto gehixau dabil.

Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21

Zuri Beltz
margoak

Barnealde eta kanpoaldean
erreforma


Pintura zerbitzu osoa
Moketak

943 76 14 60

607 447 494

943 76 59 59

Bergara



Manufacturas LARRAÑAGA
LAN-BABESERAKO ARTIKULUAK


•Seinaleztapena
•Jantziak

Leizeaga 1 BERGARA Tel. / faxa 943 76 59 53.



0%30

Bidekurutzeta 18 • Tel. 943 76 72 67 • Faxa. 943 76 29 03



**JU JITSU
DEFENTSA PERTSONALA**

Patxi Escribano Lasa senseia hirugarren dan-a;
'Ju Jitsu defentsa pertsonala'
Eskoziako elkarteko kidea.



Kirol Kluba

KIROL KLUBA

Boni Laskurain 3
Telefona: 943 76 35 71

GAZTEEN ETA INFANTILEN KARATEA

Luis Muñoz Perez senseia, gerriko beltza,
hirugarren dan-a Espainiako Federazioan.
VS 176 erregistrodun entrenatzailea.

KARATE KLUBA

Karate federatua Gipuzkoako Euskadiko
eta Espainiako Federazioetan.



Orain, European ere, Bezero desberdinentzat Aukera desberdinak.

Orain, Zure Europako bezeroei egindako bidalketen baldintzak erabaki ditzazkezu. EUROPREMIUM zerbitzuarekin, behar dituzun opzioak aukeratu: Interneten bitartez jarraipena egitea, Arrisku orotarako aseguruia, mugako kudeaketa, jaso izanaren agiria.....Horrela da Euro Express-en paketeria zerbitzua, Guipuzcoana Euro Express eta beste sektoreko enpresa europear liderrak elkartzen dituen paketeria sarea 20 herrialde baina gehiagotan. Galdetu eta ikus ezazu: zure enpresarako bezero bakoitza berezia bada, Euro Express-entzat ere.

943 763 642

Bergaran, San Juan Auzoan



www.guipuzcoana.com

 **GUIPUZCOANA**
EURO EXPRESS